



Na osnovu člana 69. tačka 2. stav d) i 70. stav 1. 4. i 6. Zakona o javnim nabavkama („Službeni glasnik BiH“, broj 39/14), u otvorenom postupku za rekonstrukciju i investiciono održavanje vatrogasnog doma - II faza, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak javne nabavke za rekonstrukciju i investiciono održavanje vatrogasnog doma - II faza, iz razloga što nijedna zaprimljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-19038/22 od 09.09.2022. godine. Obavještenje o nabavci broj: 1355-1-3-287-3-199/22 objavljeno je na Portalu javnih nabavki dana 12.10.2022. godine i u Službenom glasniku broj: 70/22 od 21.10.2022. godine.

Procijenjena vrijednost za predmetnu nabavku iznosila je 154.000,00 KM bez PDV-a.

U krajnjem roku za prijem ponuda, zaprimljene su dvije ponude, ponuda ponuđača „BRAĆA KARIĆ“ d.o.o. Zenica i ponuda ponuđača „SIGMA-SK“ d.o.o. Zenica, koje ne ispunjavaju uslove iz tenderske dokumentacije.

Ponuda ponuđača „BRAĆA KARIĆ“ d.o.o. Zenica ne ispunjava uslove iz tenderske dokumentacije iz sljedećih razloga: U tački 3.3. tenderske dokumentacije navedeno je: u svrhu dokazivanja tehničke i profesionalne sposobnosti ponuđač je dužan dostaviti: I. spisak izvršenih ugovora, izdat od strane ponuđača, u skladu s članom 48. stav (2) ovog zakona, a koji su u vezi s predmetnom nabavkom, za period ne duži od 5 (pet) godina ili od datuma registracije, odnosno početka poslovanja, ako je kandidat/ponuđač registriran, odnosno počeo s radom prije manje od pet godina, sa potvrđama o uredno izvedenim radovima. Ponuđač „BRAĆA KARIĆ“ d.o.o. Zenica u svojoj ponudi nije dostavio spisak izvršenih ugovora.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Također, tačkom 3.3. ponuđač je bio dužan dostaviti: Potvrdu nadležne institucije da izvođač radova ima stalno uposlenih minimalno 15 lica za izvršenje ugovora i najmanje jednog diplomiranog inženjera građevine ili arhitekture ili ugovore o djelu iz kojeg se vidi da su lica angažovana kod izvođača radova za izvršenje ugovora (ili drugi dokaz), original ili ovjerena kopija.

Ovjerenu kopiju diplome diplomiranog inženjera građevine ili arhitekture sa ovjerenom kopijom položenog stručnog ispita za diplomiranog inženjera građevine ili arhitekture.

Ponuđač "BRAĆA KARIĆ" d.o.o. Zenica je u svojoj ponudi dostavio Ugovor o poslovnoj saradnji zaključen između "BRAĆA KARIĆ" d.o.o. Zenica i Vedada Šestića u običnoj kopiji, a ne originalu ili ovjerenom kopiji kako je traženo tenderskom dokumentacijom.

S obzirom da ponuda ponuđača ne ispunjava uslove iz tačke 3.3. tenderske dokumentacije, ista se odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

Ponuda ponuđača „SIGMA-SK“ d.o.o. Zenica ne ispunjava uslove iz tenderske dokumentacije iz sljedećih razloga: Ugovorni organ je objavio Izmjenu tenderske dokumentacije broj: 11-11-19038-9/22 od 18.10.2022. godine, kao i novi Obrazac za cijenu ponude/predmjer radova – Aneks - III. U napomeni je navedeno: "Ponuđači su dužni u ponudi dostaviti novi predmjer radova – Aneks III, u suprotnom njihova ponuda će biti odbačena i neće biti razmatrana pri daljoj evaulaciji ponuda".

Ponuđač "SIGMA-SK" d.o.o. Zenica je u svojoj ponudi dostavio stari Obrazac za cijenu ponude/predmjer radova – Aneks III, što nije u skladu sa tenderskom dokumentacijom. Shodno navedenom, ponuda ponuđača „SIGMA-SK“ d.o.o. Zenica odbacuje se u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

S obzirom na gore navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa: Grad Zenica, Služba kabineta Gradonačelnika, Trg BiH 6, 72000 Zenica, u roku od 10 (deset) dana od dana prijema ove Odluke.

Žalba se podnosi u 3 (tri) primjerka u pisanoj formi.

Broj: 02-11-19038-2/22

Datum: 17.11.2022. godine

DOSTAVLJENO:

2 x Ponuđači

1 x Služba kabineta Gradonačelnika

1 x Tenderska dokumentacija

1 x a/a

GRADONAČELNIK:


Fuad Kasumović

TRG BIH 6 | 72000 ZENICA

TELEFON 032 447 700 | TELEFON 032 447 775 - KABINET GRADONAČELNIKA | FAX 032 447 776

www.zenica.ba